



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ՎԱՅՈՑ ՁՈՐԻ  
ՄԱՐԶՊԵՏ**

**Ո Ր Ո Շ ՈՒ Մ**

<< 01 >> ապրիլ 2015

N 31

ք. Եղեգնաձոր

**<<ԱՐԵՆԻ>> ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՀՊԱՆՄԱՆ ԿԵՆՏՐՈՆ ՓԱԿ  
ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ  
ՆՎԱՋԵՑՆԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ  
ՄԱՐԶՊԵՏԻ 1999 ԹՎԱԿԱՆԻ ԱՊՐԻԼԻ 8-Ի  
N 35 ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ**

Ղեկավարվելով <<Բաժնետիրական ընկերությունների մասին>> Հայաստանի Հանրապետության օրենքի 36-րդ հոդվածի 1-ին մասի, 67-րդ հոդվածի 1-ին կետի <<ա>> և <<ը>> ենթակետերի, <<Իրավական ակտերի մասին>> Հայաստանի Հանրապետության օրենքի 70-րդ հոդվածի 2-րդ և 5-րդ մասերի, Հայաստանի Հանրապետության նախագահի 1997թ. մայիսի 6-ի թիվ ՆՀ-728 հրամանագրի 1.6-րդ կետի դրույթներով և ի կատարումն Հայաստանի Հանրապետության կառավարության 2015 թվականի հունվարի 15-ի N 41-Ա որոշման 1-ին կետի պահանջի.

**Ո Ր Ո Շ ՈՒ Մ Ե Մ**

1. <<Արենիի>> առողջության առաջնային պահպանման կենտրոն փակ բաժնետիրական ընկերության 1 100 000 (մեկ միլիոն մեկ հարյուր հազար) Հայաստանի Հանրապետության դրամ կազմող կանոնադրական կապիտալը նվազեցնել 1 099 999 (մեկ միլիոն իննսունինը հազար ինը հարյուր իննսունինը)

Հայաստանի Հանրապետության դրամով՝ 1 099 999 (մեկ միլիոն իննսունինը հազար ինը հարյուր իննսունինը) հասարակ (սովորական) բաժնետոմսերի հետզնման և մարման միջոցով: Ընկերության կանոնադրական կապիտալը նվազեցումից հետո կկազմի 1 Հայաստանի Հանրապետության դրամ՝ 1 հասարակ (սովորական) բաժնետոմս՝ 1 Հայաստանի Հանրապետության դրամ անվանական արժեքով:

2. Հայաստանի Հանրապետության Վայոց ձորի մարզպետի 1999 թվականի ապրիլի 8-ի ««Արենիի առողջության կենտրոն» պետական փակ բաժնետիրական ընկերություն հիմնադրելու մասին» N 35 որոշմամբ հաստատված «Արենիի» առողջության առաջնային պահպանման կենտրոն փակ բաժնետիրական ընկերության կանոնադրության 4.2-րդ կետը հաստատելի հետևյալ խմբագրությամբ՝ համաձայն հավելվածի:

3. Հանձնարարել «Արենիի» առողջության առաջնային պահպանման կենտրոն փակ բաժնետիրական ընկերության տնօրենին՝ դիմել պետական ռեգիստրի գործակալություն՝ Հայաստանի Հանրապետության օրենսդրությամբ սահմանված կարգով պետական գրանցման համար:

4. Սույն որոշման կատարման հսկողությունը վերապահել Հայաստանի Հանրապետության Վայոց ձորի մարզպետարանի աշխատակազմի առողջապահության և սոցիալական ապահովության վարչության պետ Խաչիկ Գևորգյանին:



Հ. ՍԱՐԳՍՅԱՆ

Հավելված

ՀՀ Վայոց ձորի մարզպետի՝ 2015թ.

ապրիլի 1-ի թիվ 31 որոշման

<<Արենիի>> առողջության առաջնային պահպանման կենտրոն փակ  
բաժնետիրական ընկերության կանոնադրության 4.2 կետ

<<4.2. Ընկերության կանոնադրական կապիտալը կազմում է մեկ Հայաստանի  
Հանրապետության դրամ, որը կազմում է մեկ հատ հասարակ (սովորական)  
բաժնետոմս՝ մեկ Հայաստանի Հանրապետության դրամ անվանական արժեքով :>> :

Աշխատակազմի ղեկավար



*[Handwritten signature]*

Կ. ՍԱՀԱԿՅԱՆ